

Grupo di hoben di Formacion Social a termina e prome fase di e trayecto aki



Lagrima di alegria y sentimento di orguyo a domina durante entrega di certificado y baret

Diabierna mainta, e grupo di hoben cu a forma parti di e proyecto inicial Formacion Social a termina e prome fase di e trayecto. Esaki no a pasa bay sin mas.

Comandante di Mariniers Kazerne Hofma, Brigade Generaal di Marinier Swijgman, Capitan Werleman y su team cu a guia e hobennan aki durante 4 luna a organisa algun ora yena cu actividad y ehercicio-nan militar cu a wordo ehecuta dor di e hobennan.

Tambe nan a pasa un video pa tur hende por a mira e hobennan den accion durante e prome fase di nan Formacion Social.

vitado. Den forma festivo y den presencia di nan mayor, famia, varios Parlamentario y otro invitadonan, Prome Minister Mike Eman a haci entrega di e certificado n'e 12 hobennan cu a muestra perseverancia pa a logra e meta cu nan a pone nan dilanti. For di Capitan Werleman nan a haya nan baret. Momentonan di hopi emocion y sentimento di alegria y gran orguyo p'e famia cu tabata presente. Awor ta sigui cu e siguiente fase cu ta nan stage. Seis ta bay Valero y seis ta bay core nan stage na APA NV.

E ley di Formacion Social a wordo unanimamente acepta den Parlamento di Aruba na luna di october 2011. Inmediatamente a bay over na recluta e hobennan entre 18 pa 24 aña cu no ta bayendo scol y no tin un diploma pa forma parti di e prome grupo pa cuminsa cu e proyecto social aki. Prome cu por a yega n'e momento di alegria na unda e hobennan a ricibi nan certificado y nan baret, hopi trabou a wordo haci, hopi discusion, hopi intercambio di pensamiento a tuma lugar. Ya for di principio di gobernacion



Un lunch a wordo ofresi dor di Mariniers Kazerne na tur in-



di Gabinete Mike Eman e asunto preocupante di hobennan cu poco perspectiva social economico a bin dilanti y a wordo discuti den tur su facetanan.

Gobierno tabata masha preocupa cu na Aruba tin un grupo grandi di hoben cu no tin trabou, no a caba un scol secundario y cu dor di esaki tin un perspectiva pover di trabou, coriendo e riesgo di cay den e caminda robez cu tur su consecuencianan negativo. Algo mester a wordo haci y algo a wordo haci.

Prome Minister Mike Eman t'e motor tras di e proyecto aki y t'e persona cu a tuma na su encargo p'e ley aki a keda concretisa.

Asina el a papia cu Secretario di Estado di e tempo ey sra. Ank Bijlveld y tambe cu Minister Hulandes di Defensa di e tempo ey Eimert van Middelkoop, despues cu e actual Minister Hans Hillen, cu hefenan halto di Marina riba e tema aki y con haci'e posibel te cu el a bira un realidad. Hulanda a duna su ayudo grandemente.

Diabierna Prome Minister Eman tabata un hombre satisfecho y orguyoso di mira con prome parti di e proyecto Formacion Social cu tanto el a lucha pe a keda concretisa. Awe dialuna e siguiente grupo di 24 hoben ta cuminsa na Mariniers Kazerne cu e prome fase di nan Formacion Social.